



Broj: 05-16-4-9263-6/16
Sarajevo, 23.11.2016. godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU
o dodjeli ugovora u postupku javne nabavke

I

Dodjeljuje se ugovor ponuđaču GUMA M d.o.o. Mostar, Bišće Polje bb, 88000 Mostar u postupku javne nabavke službenog putničkog vozila niže srednje klase.

II

Ponuđač iz tačke I ove odluke dostavio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

Obrazloženje

Ministarstvo pravde Bosne i Hercegovine je 20.10.2016.godine, Odlukom pokrenulo konkurentski postupak nabavke službenog putničkog vozila niže srednje klase, izvršilo objavu na portalu javnih nabavki Agencije za javne nabavke Bosne i Hercegovine www.ejn.gov.ba 24.10.2016.godine i uputilo pozive ponuđačima zainteresiranim za učešće u javnom tenderu.

U ostavljenom krajnjem roku za dostavljanje ponuda, pristigla je jedna ponuda i to od ponuđača GUMA M d.o.o. Mostar, Bišće Polje bb, 88 000 Mostar. Nakon analize i procjene dokumentacije priložene uz pristiglu ponudu, Komisija je utvrdila da ponuda ponuđača GUMA M d.o.o. Mostar ispunjava formalno-pravne i tehničke uslove navedene u tenderskoj dokumentaciji, te da se kao takva smatra prihvatljivom ponudom.

Shodno navedenom, Komisija je jednoglasno preporučila ministru pravde BiH na osnovu kriterija najniže cijene (Zapisnik broj: 18.6-16-4-9562-1/16 od 04.11.2016.godine, u prilogu), da u predmetu nabavke službenog putničkog vozila niže srednje klase, donese Odluku o dodjeli ugovora ponuđaču GUMA M d.o.o. Mostar, Bišće Polje bb, 88 000 Mostar sa cijenom ponude u iznosu 32.612,23 bez PDV (slovima: tridesetdvijehiljadešeststotinadvanaest i 00/23 KM).


Tačkom 12. tenderske dokumentacije propisano je da je ponuđač koji bude odabran kao najpovoljniji, u svrhu dokazivanja činjenica potvrđenih u izvaji iz Aneksa 3 tenderske dokumentacije, dužan dostaviti:

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organiziranog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrdu iz evidencije u kojoj se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o provedbi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrdu ili izvod iz evidencije na osnovu koje se može utvrditi da uredno izmiruje obaveze za penziono i invalidsko osiguranje i zdravstveno osiguranje;
- potvrde nadležnih institucija o uredno izmirenim obavezama po osnovu direktnih i indirektnih poreza.

S tim u vezi, izabrani ponuđač je obavezan dostaviti navedene dokaze, u roku od pet (5) dana od dana zaprimanja obavijesti o rezultatima ovog postupka javne nabavke. Navedeni dokazi moraju sadržavati potvrdu da je uslove koji se traže tenderskom dokumentacijom ispunjavao u trenutku dostavljanja ponude. Dokazi koje dostavlja izabrani ponuditelj ne mogu biti stariji od tri mjeseca, računajući od trenutka dostavljanja ponude i moraju biti originalni ili ovjerene kopije od strane nadležnog tijela.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavki i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od pet (5) dana od dana kada je primio Odluku, odnosno Obaviještenje o rezultatima.

 **MINISTAR**
Josip Grubesa

Prilog:

- Zapisnik o ocjeni ponuda.

Dostaviti:

- Ponuđaču,
- a/a.